

Balu gba  
Djaki  
Eli na kalanu

Balu gba Djaki-e, apo bhulá ongu inde a ayo me u mene e. Ani aye pi ndu okpála gba Ebhe inde atsambala pila doto libhomu. Djaki agama 'ngu ne bádha 'li pindji ongu inde atsia imbilangu, ongu inde a ayo me u mene e bhú dasundu gba omakilisito.

Balu ango-o ngalu kpekpeke pindji bádha 'ngu inde bhú okulu di ne nabhuka, ne pindji namene 'ngu na Ebhe maka makilisito.

Ongbengbe ongu inde bhú bhuku inde-e ngae inde:

Eli na kalanu 1:1

Nabhuka, a la di-e imbilangu 1:2-8

Nadu bhú ndibhili ne nadu ne tia bhelé 1:9-11

Nali bhú nale 1:12-18

Nadje 'kpi, a la di-e okulu 1:19-27

Nagbele 'dje kpála pindji nagbogbo bhusu o 2:1-13

Nabhuka, a la di-e okulu 2:14-26

Makilisito ne 'mi e 3:1-18

Makilisito, a la di-e ongu na doto 4:1 - 5:6

Olili ngangá 5:7-20

*Djaki* yi okpála gba Ebhe-e mayi

<sup>1</sup> Ngama, Djaki, bali gba Ebhe, bali di gba Ngámá Yesu Kilisito-o, ma yi ndu okpála gba Ebhe hana inde atsambala pila doto libhomu-o mayi.

*Yi du* ne kpeke bua bhú okpekpeke da 'ngu

<sup>2</sup> Ondaise ma, li okpekpeke da 'ngu du abhaka yi ne li okpadji ngangá-a, yi de du bhúbhú ne djali naali. <sup>3</sup> Padhá

de, anga yi mbila ndjindji me, i du me nabhuka gba yi-e nde alu kpekpeke bhú okpekpeke da 'ngú-o, nabhuka ango-o tsia há pi yi kpéke bua. <sup>4</sup> Kaka-a, yi lila liyi uu! Padhá de, anga a ayo me kpéke bua gba yi-e kolo bha bini ali soso, ngubula me yi bhele li bua yi, amba yi a'ó ká suka bádha 'ngú bini de.

<sup>5</sup> I du la me kpála bini bhú ká yi nde aneke imbilangu-o, a ayo me aní yo ka Ebhe, amba Ebhe ha pi aní. Padhá de, anga Ebhe ngahaha pi ndu okpála hana ne bádha bua, la di ne bua na keke de. <sup>6</sup> Engú bini, a ayo me aní yo ne nabhuka. Aní adú ne bua na bhisi bhisi de. Padhá de, anga kpála inde ne bua na bhisi bhisi-e, aní maka ngbo 'ngu inde li anvi ngatumba e pí djila 'ngbé 'ngu. <sup>7</sup> Kpála ango-o a'ó 'to e de me ni asía 'he ka Ebhe Ngámá-a de, <sup>8</sup> anga aní ne bua na bhisi bhisi. Aní mbila la di de me bhú ká ondu 'ngú gba ni-e hana-a, ni améne pi-ie de.

*Engú inde akólo li obhulu ndibhili ne obhulu tia*

<sup>9</sup> A ayo me mabhuka inde bhú ndibhili-e kpi djali. Padhá de, anga Ebhe nga'e'e aní abhúlá. <sup>10</sup> La di-e, mabhuka inde ne bhulu tia-a, a ayo me aní kpi djali, anga Ebhe ngakø aní ne kuto. Padhá de, anga aní akódho 'kpí maka felele na ulu inde abhú bili. <sup>11</sup> Ela ngakoto ne kpéke djua gba e, i tsúlu ulu, li ulu-o 'úlú. Li ulu a'ulu lie, li felele felele tí kuto. Abhomu-o, li bádha gba ulu ango-o tsia kólo padhá. A bhadi moko pi bhulu tia. Padhá de, anga kpála ango-o akólo padhá bhú ká ondu 'he gba e hana inde aní ngamene e-o.

*Ebhe ti da nato kpála bhú nale de*

<sup>12</sup> A ko djali pi kpála inde ne kpéke bua bhú okpekpeke da 'ngú. Padhá de, anga pita aní ane okpekpeke da 'ngú lie, aní tsia sía makalá inde li Ebhe apa naní me ni ahá

e pi okpála bhende akunda ni ko. Makalá ang-o, a ko mukobho na duduma. <sup>13</sup> Li nale\* bhaka kpála-a, ani apá de me: «Ebhe ngato ma bhú nale-e ngae» de. Padhá de, anga mabhundja nale kpála bhú Ebhe ade. La di-e, Ebhe ngae makpe-e, ti da nale kpála bini de. <sup>14</sup> Kpála ngali bhú nale ka gumu na sisiti inde li bua e-o. Gumu na sisiti ang-o gbéle ani, i tsia tó ani bhú nale. <sup>15</sup> Pipita-a, gumu na sisiti-e bí 'bhi, i zú siti 'ngú. Siti 'ngú ang-o bhele-e, i tsia zú nakpi.

<sup>16</sup> Ondaise ma na mukunda, yi apíte liyi de. <sup>17</sup> Ndu 'ngú na babadha hana, la di ne ndu tia inde ane ne bádha hana ngayie ka Ebhe, inde abho ndu 'he na zizi inde abhúlá-a† hana ngae-o. La pi ani-e, zi ani djidji lie de, ani yie la di bhú da e 'kpí bini de. <sup>18</sup> Ebhe akunda nani ngae makpe naha mukobho pi ní li kpadji na eli gba e na kukulu-o. A ko ngubula napa me ní du ogina nguwa bhú ká ondu 'he hana inde ani abho e-o.

*Nadje eli gba Ebhe, di ne namene maka li eli ang-o apa lie-o*

<sup>19</sup> Ondaise ma na mukunda, yi mbila engú inde-e ndjindji: kpála ne kpála du adje 'ngú má gala! La-a, ani adu agama 'ngú má gala gala de! Ani adú di ake 'ngú lie má gala gala de! <sup>20</sup> Padhá de, anga ke 'ngú gba kpála-a, ngagbe ngbili 'ngú kala Ebhe ade. <sup>21</sup> Kaka-a, yi yala ndu 'ngú bhende na sisiti-e hana. Yi yala di ndu kulu na sisiti-e hana. Yi sia eli inde li Ebhe ngalu e li bua yi-e ne nakθ liyi ne kuto. Padhá de, anga eli ang-o ne angu ngú nakobho yi.

---

\* <sup>1:13 1:13</sup> Bhú eli na giliki-e, kpéke da 'ngú ne nale-e, a ko bha koli 'he bini. † <sup>1:17 1:17</sup> Ndu 'he na zizi inde abhúlá: A akunda napa me ela, epe ne oikupala.

<sup>22</sup> Yi mene engú inde li 'li Ebhe ngapa me yi mene e ko. Yi adú bha nadjedje madje de. I du mo-o de-e, amba yi ngapite bhomu-o liyi ngayi makpe. <sup>23</sup> Padhá de, anga kpála bhende ngadje eli, aní tsia mene maka li eli ango-o ngapapa lie de-e, aní maka kpála bhende ngatsia bhúla e bhú bitolobi. Aní ú maka aní nde lie-o. <sup>24</sup> Pita aní atsia bhúla e lie, aní há lie, aní tsia tápa. La-a, bha kolo má gala, aní mbíla matá de me bhúla ní de igini pi-ie de. <sup>25</sup> Engú bini, kpála koko ngazi 'ndji e bhú líli inde babadha na kuo kuo inde ngagbegbe kpála bhú bali-e ndjindji. Aní la di ngadhedhe tété. Aní ngadje eli-e lie, aní 'líli 'to e tété de. Bhú namene maka li eli-e ngapapa lie, kpála bhomu-o adú ne djali.

<sup>26</sup> I du me kpála nde ngabhundja me ní ngamene engú na Ebhe, engú bini, aní mbíla nalila 'mi e de-e, kpála ango-o ngapite lie ngae makpe. Engú na Ebhe inde li kpála ango-o ngamene e, a padhá. <sup>27</sup> Engú na Ebhe inde kukulu-o, inde la di babadha bhú djila 'Dyi ní Ebhe-e, a ngae inde: a ko nanu nateteke otsulosi di ne oökösi bhú líkabhu gba o-o, a la di-e nalila lie, amba engú na doto inde-e asíti ní de.

## 2

### *Yi aú okpála koko ngbéngbé ane okoko de*

<sup>1</sup> Ondaise ma, yi abhuka Ngámá gba ní Yesu Kilisito , inde abedhe ne sangu bedhe-o. Kaka-a, yi aú okpála koko ngbéngbé ane okoko de. <sup>2</sup> Ní pa nga me: bhulu tia bini inde adyi kati na olo, di ne obabadha bongo na kuo kuo, ali li bilí inde yi apököbhö bhúla yi lie-o. Pipita-a, li bhulu ndibhili inde adyi naae okakadha bongo lí di oo. <sup>3</sup> Yi tsia ú bhulu tia inde adyi obabadha bongo na kuo kuo ngbéngbé ane mane. Kaka-a, yi tsia pá pí aní me:

«Ngamu-o, du si, li bádha bili indel!» Yi tsia pá la naae pi bhulu ndibhili-e me: «Ngamu-o, lu malu», ne me: «Du kuto bhú doto bhú li 'dhu ma sil!» <sup>4</sup> I du me yi nde amene mo-o, amba yi ngau okpála koko ngbéngbé ane okoko mane. Yi la di ngakodho 'ngú ne mabhundja na sisiti.

<sup>5</sup> Ondaise ma na mukunda, yi djedje nga: Ebhe alo okpála bhende naao ne obhulu ndibhili bhú djila okpála na doto-o. Aní akunda me u du ne nabhuka naali, ngubula me u li bhú Nau gba ni inde ni apa me ni ahá e pi okpála bhende ngakunda ni ko. <sup>6</sup> Engú bini, yi ngau obhulu ndibhili-e bhú djila yi padhá! La-a, a ngato mbolo li yi-e da? A la di ngagbe yi bhú ngbanga da? A ko obhulu tia di? <sup>7</sup> A ko matá bhadi uo di inde ngasobho líli na babadha inde li Ebhe aha e pi yi-e?

<sup>8</sup> Bhuku gba Ebhe-e apa me: «Kunda kilí mu maka mo okunda limu lie ngamu makpe ko.†» A bhomu-o líli inde bhú Nau gba Ebhe ko. I du me yi nde ngalila líli ango-o, amba yi ngamene bhomu-o ndjindji. <sup>9</sup> Engú bini, i du me yi nde ngau okpála koko ngbéngbé ane okoko mane-e, amba yi ngamene siti 'ngú. La di-e, líli-e agbite yi, anga yi ngagumu bhomu-o líli. <sup>10</sup> Padhá de, anga i du me kpála bini nde agumu té líli-e, aní nde la ngamene dudu-o hana ndjindji-e, amba aní agumu bhomu-o líli-e libhому. <sup>11</sup> Padhá de, anga Ebhe inde apa me: «Mo okunda bhoko, i du di-e olo gba kpála koko de», aní apa di ngae me: «Mo obhólo kpála de.» Kaka-a, i du me mu nde kunda bhoko, i du di-e olo gba kpála koko de-e, engú la bini, mu bhólo kpála-a, amba mo ogumu líli-e agumu.†

† 2:8 2:8 Tsia bhú Lev. 19:18. † 2:11 2:11 Tsia bhú Eki. 20:13, 14; di ne bhú Det. 5:17, 18.

<sup>12</sup> Ka 'ngú bhomu-o, yi gama 'ngú, yi mene di 'he me yi nde ngambila ndjindji me líli akódho 'ngú gba yi-e makodho, líli ango-o, a ko bhende ngagbegbe kpála bhú bali-o. <sup>13</sup> Padhá de, anga bhú nedhinga nakodho 'ngú-o, pi kpála bhende i dje nani ndjinga okpála koko de-e, Ebhe djé di ndjinga ani de. Engú bini, kpála bhende ngadje ndjinga okpála koko-o, ekpi nakodho 'ngú gba okpála-a 'ó tsulu li ani de.

*Nabhuka* inde ne kulu ade-e, a kuku

<sup>14</sup> Ondaise ma, kpála bini ti da napa me ni ne nabhuka. Engú bini, i du la me ani nde suno kulu kulu-o de-e, nabhuka ango-o ti da nakobho ani uu? <sup>15</sup> Ni pa nga me: ndai yi bini na bhobhoko, i du di-e bhe na 000, u ne bongo ade, u di ne ezu ngú ekpi bini bini ade. <sup>16</sup> Li kpála bini bhú ká yi pa pi uo me: «Yi nu ne guo 'ngú ! Yi nu dyi bongo, amba yi zu 'he, yi 'u'u ma'u'u!» Oeli bhomu-o améne pi uo mangua bádha 'ngú dho, i du me yi nde ha ehe inde u nde bhú ndibhili e pi uo de-e? <sup>17</sup> A si maka nabhuka. I du me mu nde abhuka-a, engú bini, mu suno kulu kulu-o de-e, amba nabhuka gba mu-o kuku.

<sup>18</sup> Engú bini, kpála ti da napa me: «Okpála koko aha lio pi nabhuka, okoko aha lio pi kulu.» Li kpála pa mo-o, ma gie pi ani me: «Sunu mu, lele pi mu ti da nadu lie ne nabhuka me mu nde mene kulu kulu-o de-e! Ngama la di-e, ma asúno nabhuka gba ma-a pi mu bhú namene kulu ango-o.» <sup>19</sup> Ngayi-e, yi ngabhuka me koli Ebhe bha bini. A ndjindji naali. Osisiti bua ngabhuka bhadi moko. La di-e, u ngaguku ne tsulu.

<sup>20</sup> Yi ne ongingi! Yi akunda me u suno pi yi me nabhuka inde li kulu kulu nde lie ade-e padhá-a? <sup>21</sup> Lele pi li ogbi ni Abalahama akolo nani lie ngbingbili bhú djila Ebhe-e? A ko nani li pápá na okulu gba ani-e di? Li nedhinga

inde aní aha ndílí gba e tsaka lie, aní atsia a'o aní lí bilí natsulu enu pí Ebhe-e? <sup>22</sup> Yi ngau me nabhuka, di ne okulu gba aní-e, adu nani adholo bhú dabilí bini. Ka okulu gba aní-e, Ebhe atsia au me nabhuka gba aní-e abhele. <sup>23</sup> Abhomu-o, eli inde lí Bhuku gba Ebhe-e apa e-e, atsia amene lie. A ko eli inde apa me: «Abalahama abhuka Ebhe. Kaka-a, Ebhe atsia au aní me, a ko ngbili kpála .†» Ebhe atsia a'í la di aní me olia ní. <sup>24</sup> Yi ngau me Ebhe ngaziba me kpála inde-e ngbingbili lí pápá na okulu gba e-o. A ko bha bini ka nabhuka kpi e kpi de.

<sup>25</sup> A bhadi sí maka Lahaba, 00 inde adu akunda obhosi ngangá-o. Ebhe aziba nani me a ko kpála na ngbingbili ka okulu gba aní-o. Padhá de, anga aní asia nani okpála inde lí omatsalaele atima nani o agba e. Aní atsia amene la di me u gie lío lí kpadji koko.

<sup>26</sup> A moko. Maka lí ewo du lie bhú kute de-e, amba kute bhomu-o kukuo, a bhadi moko, lí nabhuka du ne kulu bhú e de-e, amba nabhuka ango-o kukuo.

### 3

Ní lila 'mi ní malila

<sup>1</sup> Ondaise ma, bhelé na okpála bhú ká yi aglí nadu omusuno de. Padhá de, anga a ayo me yi mbila ndjindji me Ebhe akódho 'ngú gba ní omusuno-o kpekpeke naali ané okpála koko mane. <sup>2</sup> Ndu ní hana ní ngati bhú ongú bhelé. † du me kpála nde tí bhú engú inde aní ngagama e de-e, amba kpála ango-o abhele. Aní tí da nadu ne angu pí 'ndji kute e libhomu. <sup>3</sup> † du me ní nde ato mboye kalase bhú 'bh0 opunda ngubula me ní to bhúla uo lí pápá inde ní ngakunda e, ní tí da namene di ne kute uo libhomu maka ní akunda lie. <sup>4</sup> Yi tsia nga ongbengbe

† 2:23 2:23 Tsia bhú Dje. 15:6.

zabu. A ngbengbengbe. Anvi na kpekpeke ngatutumba ngae. La-a, mboye 'he masudha inde ngalili bhúla 'ngbé zabu-o ngadjidji ngae. Li zabu-o tsia nú li pápá inde li kpála nadjedjele ngakunda e ko. <sup>5</sup> A bhadi moko pí emi. A ko mboye ehe masudha bhú kute. Engú bini, a ngabhi 'kpa e pí 'ka e li ongu na ngbengbengbe.

Yi tsia nga me ne mboye dhegu djua masudha, u ti da natsulu 'ngbé gbondø na ngbéngbé! <sup>6</sup> Emi bhadi maka djua, a ko dabili gba siti-o. A ko suka yá ní, a la di ngasiti kute ní libhomu. Djua na likabhu na daduma pí 'mi ní. 'Mi ní la di ngatsulu makobho gba ní-e libhomu ne djua ango-o. <sup>7</sup> Kpála-kuti ne angu ngú na'o mboli li ndu djua oenu na bili hana, abana oedhu, onu inde ngagbele lio ne 'bu o, abana osungu. Aní a'o la bhadi mboli li uo a'o. <sup>8</sup> Engú bini, kpála-kuti ne angu ade ngú na'o mboli li 'mi e. Emi ne ehe na sisiti. A tili naali. A abedhe la di ne sili na bhøø kpála bhú e bedhe!

<sup>9</sup> Bha ne emi bini bhomu-o, ní ngadhøø Ngámá inde 'Dyi ní-o. La bhadi ne emi bini bhomu-o, ní sosobho okpála inde li Ebhe abho o maka e makpe ko. <sup>10</sup> Oeli na dhøø di ne oeli natu ødjo-o, a ngaze bha bhú koli ebhø bini. Ondaise ma, a ayo mo-o de. <sup>11</sup> Koli kpongu bini ti da nagbe engu na babadha, di ne engu na susu de. <sup>12</sup> Ondaise ma, ndula na figi ti da nali lí ndula na olive uu? Ne me 'lá ndula na vino ti da nali lí ndula na figi uu? Kpongu na 'ngu ngutu ti da nagbe engu na babadha de.

*Imbilangu* inde ayie abhúlá

<sup>13</sup> Kpála bhende na imbilangu, inde di akø mboli 'ngú bhú ká yi uu? A ayo me aní suno bhú dasundu gba e na babadha. Aní suno di bhú kulu inde aní ngamene e ne nakø lie ne kuto di ne imbilangu. <sup>14</sup> Engú bini, i du me yi nde ne 'ngbé bua naali-e, di ne bua me o one okpála



koko mane-e, yi 'o nabhi 'kpa yi pí 'ka yi ma'o. Yi asíti engú na kukulu-o ne eu gba yi-e de. <sup>15</sup> Ngua imbilangu bhomu-o yie abhúlá de, a ko bhe na doto. A ko bhe na kute, a ko bhe gba kpála inde bhú e ne siti bua . <sup>16</sup> Padhá de, anga bili inde li okpála nde lie ne 'ngbé bua-a, bili u nde lie ne gumu nane okpála koko mane-e, oo-o, naje lio dú-u de. A adú bha bini oo ne ondu 'ngú hana bhe na sisiti.

<sup>17</sup> Engú bini, imbilangu inde ayie abhúlá-a, a naae kpi hana. La di-e, a ne guo 'ngú , a ne bua na bhubhuku, di ne namanga kpála. A abedhe di ne naje ndjinga okpála koko, a ngazu obabadha nguwa. A ngau okpála koko ngbéngbé ane okoko mane ade, a la di ne kali bhú e ade. <sup>18</sup> Okpála bhende akunda guo 'ngú-o, maka okpála alulu 'dyi. Nguwa inde u alulu e, a ko guo 'ngú, a ngazu pi uo ngbili 'ngú .

## 4

**Mu** kunda engú na doto-o, amba mu ne bhulu yala gba Ebhe

<sup>1</sup> Okpekebhe di ne ogbele-e ngayie bhú ká yi su? A ngayie bhú osisiti gumu na ndu 'ngú ngangá inde ngagu gbele bhú kute yi-o. <sup>2</sup> Yi kukunda nasia ehe bini, engú bini, yi ti da nasisia de. Kaka-a, yi bedhe ngú nabhili okpála. Yi dudu ne gumu na sisiti ngú nasia ehe bini, engú bini, yi ti da nasisia de. Kaka-a, yi ngamene kpekebhe, yi la di ngagu gbele. Yi sisia ehe inde yi akunda e de. Padhá de, anga yi yoyo ka Ebhe de. <sup>3</sup> Belegu yi ayoyo lie, yi sisia de anga yi yoyo maka ayo lie de. Yi yoyo bha bini ehe inde i ngangá li yi-o. <sup>4</sup> Ngayi obambakuya inde-e! Yi mbila de me nakunda engú na doto-o, a ko naku bhulu yala gba Ebhe-e di? Kpála

bhende akunda engú na doto-o, ani nga'o lie bhulu yala gba Ebhe. <sup>5</sup> A aye nani lie padhá de me: «Ebhe akunda bua gba e inde ani a'o nani e bhú ní-e naali.»\* <sup>6</sup> Engú bini, bádha bhú 'bu inde li Ebhe nde ne e pi ní-e, ane ne engbé. Kaka-a, u aye bhú Bhuku gba ani-e me:

«Ebhe ne bhulu yala gba okpála na 'ngbé 'ndji, engú bini, ani ne bádha bhú 'bu pi obhende ngakø lio ne kuto ko.†»

<sup>7</sup> Kaka-a, yi manga Ebhe. Yi holo bhú 'dhu yi ka Djabulu kpekepeke, amba ani kpe yi tsutsu. <sup>8</sup> Yi dyudyo liyi de Ebhe masikpe, amba ani dyudyo di lie de yi masikpe. Ngayi okpála na siti 'ngú, yi vulu 'kpa yi! Ngayi okpála li bua o agbolo ngangá-a, yi vulu bua yi! <sup>9</sup> Yi mbila ndjindji me yi bhú likabhu. Yi ku 'gbá, amba yi lopolo liyi. A ayo me ezo gba yi-e dji lie, a akolo egbá, amba djali gba yi-e dji lie, a akolo likabhu. <sup>10</sup> Yi kø liyi bhú djila Ngámá ne kuto, amba ani tsia 'e'e yi ne abhúlá.

*Mo okódho 'ngú* gba kpála koko de

<sup>11</sup> Ondaise ma, yi adú apa siti 'ngú li yi sunda yi de. Kpála bhende ngapa siti 'ngú li ndai e, i du di-e nakodho 'ngú gba ani-e, ani ngapa siti 'ngú bhomu-o li líli gba Ebhe, di ne nakodho 'ngú tété. Bhú nedhinga bhomu-o, ani ngamene líli ade, ani mangbo ngakodho 'ngú tété.

<sup>12</sup> La-a, Ebhe aha líli ngae makpe. Ani tí la bhadi da nakodho 'ngú tété ngae kpi e kpi. Ngaani kpi e kpi, ani tí da nakobho kpála, di ne na'o me kpála kpi. Ngamu-o, mu la naamu ne da, mu ngakodho 'ngú gba kpála koko lie?

\* 4:5 4:5 Ebhe akunda bua gba e inde ani a'o nani e bhú ní-e naali: U ti da napa matá me: «Bua inde li Ebhe a'o e bhú ní-e abedhe ne osisiti gumu 'he.» † 4:6 4:6 Tsia bhú Gbt. 3:34.

*Yi adú* ne 'ngbé 'ndji de

<sup>13</sup> Yi dje nga ma mbia inde, ngayi okpála bhende ngapa me: «Naki, i du di-e mambi, ya anú bhú gudhu bhe. Ya así oo kalanga bini. Ya atsíndji 'he, ya tsia sía falanga.»

<sup>14</sup> La-a, yi mbila de me mukobho gba yi-e adú mambi pi-ie de! Padhá de, anga yi maka nguwa inde ngau lie ngubula nedhinga bedi, pipita-a, u u matá-a de ko!

<sup>15</sup> A ayo mangbo me yi pa me: «I du me Ngámá nde akunda-a, ya adú bhú mukobho. Ya tsia méne engú inde, i du mo-o de-e, ya méne engú koko.»

<sup>16</sup> Engú bini, mbia inde-e, yi ne okpála na 'ngbé 'ndji. Yi la di ngabhi 'kpa yi pí 'ka yi. Ndu ngua ongbengbe 'ndji bhomu-o hana sisiti.

<sup>17</sup> Kaka-a, li kpála mbila namene bádha 'ngú-o, engú bini, ani mene la bádha 'ngú ango-o de-e, amba ani amene siti 'ngú.

## 5

*Ngayi obhulu* tia-a, yi ku 'gbá

<sup>1</sup> Ngayi obhulu tia-a, yi dje nga ma mbia inde! Yi ku 'gbá, amba yi tu di 'ue ka olikabhu inde akólo li kute yi ko!

<sup>2</sup> Tia gba yi-e azi. Okokó azu la di obongo gba yi-e azu.

<sup>3</sup> Olo gba yi, la di ne aladja gba yi-e agba mbelende. Mbelende ango-o a'ó 'ngú pí yi ngae. Mbelende azú la di kute yi maka djua. Yi apo ibili bhúla tia gba yi-e mbia inde-e ali sokpí!

<sup>4</sup> Yi ayala naha tia pi okpála na kulu inde ngamene kulu bhú 'dyi gba yi-o. Kaka-a, u ngalopolo lio.

La di-e, Ngámá na abhúlá, Angbamili adje nalopolo lie gba uo-o adje.

<sup>5</sup> Píla doto-o, yi adu bhú ká tia, yi atsia adu akobho ndjindji naali. Yi akolo ne tsikpa maka oenu inde akolo ne tsikpa ngubula ekpí inde u abhólø uo lie ko.

<sup>6</sup> Yi a'o mangimbo pí kpála na ngbingbili-o . Yi atsia abhøø la di ani. La-a, ani lu kala yi ne gbele de.

*Yi dũ* ne 'ndjá bua, anga Ngámá ngago

<sup>7</sup> Kaka-a, ondaise ma, yi dũ ne 'ndjá bua akólo bha bini li 'kpí inde li Ngámá agó lie ko. Yi tsia nga kpála inde ngalu 'dyi-o. Aní ngadjeke nguwa inde ane ne bádha-a ne 'ndjá bua. Aní ngadjeke bhadi nedhinga inde li ebha na kalanũ, di ne bhende na soso-o adhí lie-o. <sup>8</sup> Ngayi di-e, yi dũ ne 'ndjá bua. Yi dũ ne masi. Padhá de, anga nago gba Ngámá-a akolo masikpe. <sup>9</sup> Ondaise ma, yi apá siti 'ngú li yi sũnda yi de, amba u akódho 'ngú gba yi-e de. Padhá de, anga kpála nakodho 'ngú-o alũ li obhøbhoti. <sup>10</sup> Ondaise ma, opolofeta inde akpokpo nani 'ngú ne 'li Ngámá-a, abi nani likabhu ne 'ndjá bua. Yi kpata engú inde u amene e-o. <sup>11</sup> Ní ngapa me okpála bhomũ-o, a ko okpála na djali. Padhá de, anga u adũ bhú likabhu ne kpéke bua. Yi adje maka li Djobe abi nani likabhu lie ne kpéke bua-o. Yi atsia au la di ehe inde li Ngámá aha e pí aní alí soso-o. Padhá de, anga Ngámá abedhe ne ndjinga, la di ne bua na babadha.

<sup>12</sup> A ane la mane ondaise ma, yi atú silika de. Yi atú silika ne 'li kokpí de. Yi atú silika ne 'li doto de. Yi atú di silika ne 'li 'he koko belegũ de bini. I dũ me a nde mo-o, yi de pa bha me: «A moko.» I dũ la di me a nde mo-o ade-e, yi de pa bha me: «A mo-o ade», ngubula me yi asía mangimbo ka Ebhe de.

*Nayo gba kpála na ngbingbili-e, a ne angu naali*

<sup>13</sup> Bhú ká yi-e, kpála bini bhú likabhu uu? A ayo me aní yo Ebhe. Bhú ká yi-e, kpála bini ne djali uu? A ayo me aní dhøgø Ngámá bhú oetsi. <sup>14</sup> A li kpála bini bhú ká yi ne kuo uu? A ayo me aní 'i obhelesi okpála na Piga gba Ebhe . U yo Ebhe ngubula aní, amba u tuko la di emũ pí 'ndji aní ne 'li Ngámá. <sup>15</sup> I dũ me u nde ayo bhú dabili bini ne nabhuka-a , li nayo angoo kóbho kpála na kuo-o,

li Ngámá 'é aní bhúlá. I du me aní nde amene siti 'ngú-o, li Ebhe tsia 'é siti 'ngú ango-o. <sup>16</sup> Kaka-a, yi mbamba ta osisiti 'ngú gba yi-e sunda yi. Yi yo Ebhe ngú yi sunda yi, amba okuo gba yi-e yie. Nayo gba kpála na ngbingbili-e, a ne angu naali. <sup>17</sup> Eliya nani ne kpála-kuti maka ní. Aní ayo nani Ebhe ne bua e hana ngubula me ebha adhi-i de. Ebha tu píla doto belegu de bini, ngubula kalanga bata ne epe madhia. <sup>18</sup> Pipita-a, aní ayo matá Ebhe. Abhomu-o, ekpí atse 'kpa li ebha kuto, doto atsia aholo di nazu nguwa gba e-o.

*Yi gie kpála* inde a'o ká ngbili kpadji-e li kpadji na kuku

<sup>19</sup> Ondaise ma, kpála bini bhú ká yi ti da na'o ká ngbili kpadji. Pipita-a, li kpála koko tsia gie matá aní li kpadji na kuku. <sup>20</sup> Yi mbila ndjindji me kpála inde agie kpála bini na siti 'ngú, inde a'o ká ngbili kpadji li kpadji na kuku-o, aní akóbho bua kpála bhomu-o bhú kuo, aní tsia méne me u mbu li bhiti osisiti 'ngú gba kpála bhomu-o.

## Gandja na Mbia

### Mayogo: Gandja na Mbia (New Testament)

copyright © 2020 Wycliffe Bible Translators, Inc.

Language: (Mayogo)

Contributor: Wycliffe Bible Translators, Inc.

All rights reserved.

2020-11-18

---

PDF generated using Haiola and XeLaTeX on 14 Jun 2022 from source files dated 25 Mar 2022

6b4904fb-f8ce-5931-8218-7cee8914232c